

Ɔwɔlo Ɔwɔle Ɔbono Ɔ ŋmarase Bunge
Filimon Mɔ

¹ Filimon dɛnsɛ, me Ɔwɔlo Ɔbono Kirisito Yesu Ɔson mɔ gɛsun so ne mɛ tii me de obu mɔ ne n kya ŋmarase fo Ɔwɔle baarɛ.

Aye-nanbo laarɛɛ, Timoti Ɔbono me-rɛ mɔ a bo Yesu Ɔson mɔ dɔ mɔ, a kya faala fo Ɔbono aye-rɛ fo a kya wɔra Yesu Ɔson mɔ gɛsun mɔ. ² A kya faala Afiya, Ɔbono Ɔ gyɛ aye-nanbo Yesu Ɔson mɔ dɔ mɔ de Akipuse, Ɔbono aye-rɛ mɔ a pɛɛrɛ ansi wɔra Wurubuaarɛ Ɔson mɔ gɛsun dabɔle mɔ. A kya faala Yesu asonbo gikpen gibono mɛ kya gyan' fo-gɛten' dɔ mɔ. ³ Aye-sɛ Wurubuaarɛ de aye-Wura Yesu Kirisito mɛ' sa fɛye so gɛwɔnsa dɛnsɛ de mɛ' sa fɛye gisen yuuli.

Fo-Ilaa Dɛnsɛ Giwɔra I Kya Keda Nyoro

⁴ Filimon, n kya nyingi fo me-ndalaa dɔ mɔ, n kya faala me-Wura Wurubuaarɛ owi kamaasɛ. ⁵ I kya nyiile yɛɛ n kya nu fo-gɛsalaarɛ gɛbono fo bo sa Yesu asonbo mɔ pɛwu de gikagyan gibono fo kya ka gyan Wura Yesu so mɔ. ⁶ Kyu naa de aye-rɛ fo-gikagyan gibono so mɔ, a nyɛ gɛnɔ kolon. N kya dalaa yɛɛ gɛnen gɛnɔ kolon mɔ i laa yɛgɛ a' bii ilaa dɛnsɛ ibono pɛwu a kya nyɛ aye-gɛkyena dɔ kyu naa de aye-rɛ Yesu Kirisito ginyamesɛ kolon mɔ so mɔ. ⁷ GɛnɔƆbono fo kya laarɛ Yesu asonbo mɔ ilaa mɔ i kya yɛgɛ mɔmɔ-asen a kya kyena mɔmɔ gɛten kolon. Lii gɛnen so mɔ i wɔra me Ɔkon ne i keda me-nyoro.

N Kya Kolɛ Fo N Kya Sa Onɛsimosɛ

⁸ Me-kyɛmenɛ, n kya laarɛ n' kolɛ fo ilaa iko. I bo no yɛɛ kyu naa de Kirisito so mɔ nkana n bo Ɔkpa de n' nyise

fo yEE ilaa ide abEE ide ne i kaabore fo' wɔra. ⁹ Gelaare' gebono ge bo me-re fo nsana so mɔ, meŋ kya laare n' wɔra genen. Imɔso n kya laare n' kole fo daa. Me, Pɔɔlo ɔbono ne bele ne nperE me keda me tii de obu Kirisito Yesu gesun mɔ so mɔ, ¹⁰ me ne n kya kole fo n kya sa Onesimose, ɔbono ne baa wɔra fEE mɔ-se owi ɔbono n tii de obu faa.

¹¹ NE wu yEE nkana ɔŋ baa wɔra agyan sa fo. Imɔ ide kon bere mɔ, ɔ bo agyan sa me-re fo kpini. ¹² Imɔso n kya kiiri mɔ n kya bara fo. Me-ginsi ne. ¹³ Naafo ne nyE mɔ, ɔmen sii me aSE gerE. Yesu ɔkalan konkonse mɔ gitɔge so ne me keda me tii de obu faa mɔ, naafo Onesimose bo me aSE gekpaa mɔ ɔ laa nyE yeLE fo-giyaa dɔ ɔ kya son me. ¹⁴ NE kii kerE mɔ, meŋ laare yEE n' yege o' sii me aSE gerE owi ɔbono meŋ ti nu sei lii fo aSE mɔ. N kya laare fEE fo-gidense gi' lii daa fo gbaa-gbaa gisen dɔ, de in sa i' ba yEE me ne n nyise fo bun abɔli so.

¹⁵ Fonbii mɔ, ibono Onesimose gi koso fo aSE genen mɔ, Wurubuaare ilaa wɔrase ne i gyE. Fonbii ɔ koso ŋmaraa daa de ɔ' nyE kii baa loo fo-gibaa gekpaa-gekpaa. ¹⁶ Ide bere, in baa i gyE gebide wole ne ɔ gyE sa fo. O bingiri fEE fo-tede laareSE. Mɔ-ilaa i loo me-gisen dɔ gesintin so, ne n' nyi ibono mɔ-ilaa i laa loo fo-gisen dɔ don me-leE ide gbaa. I lii fEE genɔɔbono nkana ɔ kya son fo anyamesE gekyena dɔ mɔ, fo-re mɔ fe laa kii nyE dabɔle Yesu ɔson mɔ dɔ kee.

¹⁷ Imɔso nengyene fo nyi yEE n gyE fo-nanbo Yesu gesun mɔ dɔ mɔ, kii sɔɔ mɔ kyena fo-geten' dɔ de fo' keda mɔ fEE me ne fo de genen. ¹⁸ Nengyene fEE ɔ wɔra fo ilaa nyenyen iko abEE ɔ de fo gikɔ giko mɔ, kyu imɔ yEE me ne n de fo gikɔ genen. ¹⁹ Me, Pɔɔlo, n de me gbaa-gbaa me-gibaa n kya ŋmarase imɔ ide so ɔwole mi-i sa fo yEE nan ka genen gikɔ mɔ sa fo. NE tɔge genen faa,

meŋ kya laare de n' tɔge tigi fo yee fo mɔ, fo de me gikɔ ɔkpa ɔko so. Gikɔ mɔ ne n gyɛ ibono nɛ nyiile fo Yesu ilaa ne fo laa nyɛ ɔkyenaten Wurubuaare ase faa.

²⁰ Me-nanbo, kyu lii aye-Wura Yesu Kirisito so mɔ, fo-o fo mɔ kii sɔɔ Onɛsimosɛ sa me de i' wɔra fɛɛ me kee nɛ baa nyɛ agyan lii fo ase ne. Kyu lii Kirisito so mɔ, yɛge me-gisen gi' tɔɔ me. ²¹ N kya ŋmarasɛ fo ɔwole baare faa, n nyi me-gisen dɔ yee fo laa wɔra ilaa ibono n kya laare mɔ sa me. N nyi ibono fo laa wɔra imɔ de i' don ibono nɛ tɔge faa gbaa.

²² Me-gɛwɔnsa gɛ gyan yee Wurubuaare laa nu fo-rɛ fo-nanboana ndalaa de mɛ' tigi me lii obu ɔbono n tii faa dɔ. Imɔso lɔɔ obu yela me.

Afaala Laalaalogɛ

²³ Nɛ sin gɛrɛ. Epafirasɛ ɔbono me-rɛ mɔ a tii de obu Kirisito Yesu gɛsun mɔ so mɔ kya faala fo. ²⁴ Maako, Arisetaakusɛ, Deemasɛ, de Luka, me-nanboana abono me-rɛ ɔmɔ a kya wɔra Yesu gɛsun mɔ kee mɛ kya faala fo.

²⁵ Aye-Wura Yesu Kirisito ɔ' sa fo so gɛwɔnsa dɛnsɛ de fo-oduduu dɔ ilaa i' wɔra ɔdan sa fo.

I gyɛ me,
Pɔɔlo

ḠḠḠḠ ḠḠḠḠḠḠ, ḠḠḠḠḠ ḠḠḠḠḠḠḠ ḠḠ ḠḠḠḠ ḠḠḠḠḠ
AnyamesḠ ḠḠ ḠḠḠḠ ḠḠḠḠ

The New Testament in the Gikyode language

copyright © 2020 Wycliffe Bible Translators, Inc.

Language: Gikyode

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 14 Jun 2022 from source files dated 30 Nov
2021

4cc402b4-139a-5f33-9af9-fbf62307f663